

江陵縣志卷之二十二

風土二

物產

穀之屬

稻 周禮夏官正南曰荊州其穀宜稻按今府屬早稻曰五十早七十早毛穀香粳一邱水竹節早上白早黃瓜早金裹銀大子白小子白亂麻秬青粘油紅粘團白粘晚稻曰香穀黑毛穀毛冬粘又撒穀三種曰雲南早毛瓣子凍粘子此三種一歲兩熟以上粳杉

江陵縣志

卷之二十二

風土

物產

一

木紅南香燕嘴烏節柳條馬鬃黃板蜜蜂團高排響鈴雞喀蝦穗土紅團糯茶糯以上糯按江邑各稻種類甚多其穀之紅白大小不同芒之有無長短不同米之堅鬆赤白紫烏不同大要高田坡田則宜早稻湖田則宜晚稻

麥 驚蟄早三月黃自落芒白米麥青米麥以上大麥西

曬白竹根早毛邊子黃荆條剪刀齊蠶兒老火烏頭

以上小麥又蕎麥一名烏麥稈紅花白實三稜而黑秋花

冬實有甜苦二種

黍 〔本草〕荆郢州及江北皆種之其苗如蘆高丈餘有赤白黑數種赤者最黏可蒸食並可釀酒

蜀黍 卽高粱種始自蜀故謂之蜀黍春種秋收莖高丈許穗大如帚粒大如椒色紅黑米性堅實有粳糯二種荆郡釀作燒酒稍可作帚莖可編籬又有玉蜀黍俗名玉米荆屬傍山及洲田多種之可以作飯熬酒較高粱倍醞

粟 有赤白黃三色糯者釀酒熬糖作餠亦有黑糯粟粳者作飯有大黃粟小黃粟和尚頭又有猴兒背

江陵縣志

卷之二十二

風土

物產

二

熟最先殼薄易舂一名嬾人舂亦有紅毛子一名三節早有大小二種旱田洲田多種之鄉人以此贍家其米與大米同價

菽 豆之總名有黃豆白豆綠豆黑豆青豆赤豆畫眉豆冬豆褐豆藿豆五月豆九月豆豌豆細豌豆蠶豆刀豆菹豆虎爪豆蛾眉豆龍爪豆

脂麻 俗名芝麻有黑白二種黑者卽胡麻一名巨勝作角八稜白者兩頭尖銳作角七稜二麻可爲飯可爲油〔本草〕俗傳胡麻必夫婦同種則茂盛取油以

白者爲勝服食以黑者爲良

蔬之屬

白菜 一名菘菜譜有春菘有晚菘一種莖扁而寬
白葉嫩黃色謂之黃牙白一種莖圓而細直謂之箭
桿白一種莖白葉黑而有光謂之油白又有春不老
一名九觔梔葉似白菜而大甚脆嫩醃食甚善

芥菜 一名辣菜一名臘菜心嫩薑謂之芥藍子大
如蘇子味辛研末爲醬

菠菜 根赤葉如箭鏃八九月種者可備冬食正二

江陵縣志

卷之二十二

風土

物產

三

月種者可備春蔬

花辣菜 葉形似剪碎色紅紫荆俗臘月用沸湯焯
過油鹽勻拌以充辛盤

蕓薹 一名油菜單莖圓肥葉附莖上春採薹心爲
茹子灰赤色炒過榨油

蕪菁 一名蔓青一名諸葛菜春食苗初夏食心秋
食莖冬食根嘉話錄諸葛所止令兵士獨種蔓青者
取其纔出甲可生啖一也葉舒可煑食二也久居則
隨以滋長三也棄去不惜四也回則易尋而採五也

冬有根可食六也比諸蔬其利甚溥至今蜀人呼爲
諸葛菜江陵亦然荆楚歲時記仲冬采擷蕪菁葵等
雜菜乾之並爲鹹菹有得其和者並作金釵色

蕪菜 幹柔如蔓中空一名甕菜遯齋閒覽本生東
夷人用甕載其種以歸故名

苦菜 一名苦苣一名苦蕒摘其葉可生食亦可爲
茹

恭菜 一名蒼蓬生熟皆可食微有土氣

蘿蔔 一名萊菔狀有長圓二類根有紅白二色生

江陵縣志

卷之二十二

風土

物產

四

洲田沙壤者脆而甘瘠地者堅而辣又胡蘿蔔有黃
赤二種長五六寸

莧 學圃餘疏莧有紅白二種素食者便之肉食者

忌與鱉同食

馬齒莧 一名長命菜

生菜 一名白苣色紫者名紫苣宜生食按卽萵苣
俗名萵蕒其莖粗者呼爲萵筍亦可熟食

芹 有家芹藥芹野芹三種莖有節稜而中空其氣
芬芳

鱧魚鬚 莖青有鬚長一二寸二三月間生洲田蘆
荻中採食味香美

荳芩 一名胡荽氣最香烈

薺 荆俗名碎米菜三月採可作齏

藜 一名紅心灰藿〔詢〕〔葛錄〕古稱藜卽灰莧老可爲
杖蓋藜杖也

茄 有紫茄白茄天茄長圓大小不一

蒿 同蒿邪蒿水蒿唯萇蒿生窖金洲者其根白脆
採其根莖生熟菹曝皆可食蓋嘉蔬也

江陵縣志

卷之二十二

風土

物產

五

甘露子 一名地蠶〔本草〕荆湘江淮以南野中有之
人亦栽蒔俗呼爲玉環菜生熟皆可食又可蜜煎可
醬漬

苜蓿 采其葉可作蔬味清而甘

蓴 一名水葵一名露葵〔元〕正荆州詩蓴菜銀絲嫩
按蓴卽水苻之肥者

山藥 一名薯蕷出本邑寸金堤南湖田園者圓大
味美

芋 一名蹲鴟當心而出者爲芋頭四邊附之而生

者爲芋子莖亦可食荆屬俱種之邑產郢城新河堤者佳

白花菜 氣羶臭夏月宜鹽醋食之

黃花菜 荆俗呼爲金針

葱 一名菜伯一名和事草諸物皆宜忌同蜜食

韭 爾雅翼韭者嬾人菜以其不須歲種也羣芳譜

忌與蜜及牛肉同食

蒜 苗嫩時可生食夏初食薑秋月食種乾者可食至次年春盡又有老鴉蒜生麥田中根苗皆可食

江陵縣志

卷之二十二

風土

物產

六

藟 本草藟一名藟子

藟之屬

越瓜 一名稍瓜一名菜瓜有青白二色可生食亦可作菹產本邑蛇入山者尤爲長大

苦瓜 一名錦荔枝一名癩葡萄荆俗從前植之者少今凡圃皆與蔬同種

冬瓜 一名地芝熟時皮有白粉大可數圍長一二尺荆楚歲時記七月採瓜犀爲面脂瓢亦可作澡豆

黃瓜 質脆嫩多汁生熟皆可食

南瓜 形有橫圓豎扁不一色黃有白紋界之煮熟食味麪而膩亦有色黑綠蒂頗大形似葫蘆二瓜皆不可生食

西瓜 本邑黃潭堤沙田產者佳

匏 〔埤雅〕短項大腹曰匏味甚苦

瓠 匏之甘者

壺盧 有甘苦二種

絲瓜 一名天羅絮

脆瓜 甜瓜 俱似越瓜而短小

江陵縣志

卷之二十二

風土

物產

七

金瓜 似南瓜而小色紅似橘形扁有稜人家植之可供盤玩

花之屬

梅花 有綠萼硃砂玉蝶宮粉黃香臺閣江梅江陵記洪亭村下有梅槐村舊云梅槐合生成樹是以名之今音訛謂之梅迴

杏花 有千葉一種不結實

桃花 有絳桃碧桃送春歸數種

李花 梨花 棠梨 俱二月開白花

海棠 有鐵梗垂絲木瓜西府木瓜生子如木瓜可
食閱耕餘錄荆南官舍有兩株姿豔柔婉豐富之極
秋海棠 一名八月春喜陰宜於幽砌北牕下種之
牡丹 荆土有王家紅玉樓春平頭紫西瓜瓢數種
芍藥 有紅白二種文獻通攷大中祥符四年四月
江陵府刑部郎中袁煒家圃芍藥雙華並萼互見祥異
玉蘭 花色碧白氣味香馥人家園中多植之
辛夷 一名木筆似玉蘭花外紫內白
迎春柳 一名金腰帶春開花黃色又有夏月開者

江陵縣志

卷之二十二

風土

物產

八

名迎夏柳

金雀 花瓣如飛雀采之微焯入少鹽可作茶品清
供

繡毬 花五瓣百花成朶其圓如毬

木香 紫心白花者爲佳

薔薇 渚宮故事梁元帝竹林堂中多種薔薇康家
四出薔薇白馬寺黑薔薇長沙寺千葉薔薇並以長
格校其上花葉相連其下有十閒花屋枝葉交映芬
芳襲人

玫瑰 葉多刺莖短花類薔薇色淡紫嬌艷芬馥堪入茶酒

十姊妹 一本紅白深淺各色極香艷可愛

月季 一名勝春花俗名月月紅花有紅白淡紅三

色白者須植陰處見日則紅逐月一開四時不絕

酴醾 一名獨步春蔓生花白而香

罌粟 花有五色實如罌子如細粟亦名御米

虞美人 學圃餘疏虞美人一名滿園春千葉者佳

紫荊 一名滿條紅春開紫花甚細碎數朶一簇花

江陵縣志

卷之二十二

風土

物產

九

謝卽結莢子

紫薇 一名百日紅樹身光滑花六瓣色微紅紫四

五月始花開至八九月

玉馬鞭 花潔白如玉每榦數十花先葉而開

棟花 一名苦棟荆楚歲時記蛟龍畏棟故端午以

葉包糉投江中祭屈原

郁李 一名萸李花千葉雪白粉紅二色

錦帶花 杜詩註此花出荆楚間有花如錦條如郁

李春末方開紅白二色

瑞香 冬春之交開花成簇長三四分如丁香狀
結香 開與瑞香同時花落始生葉

丁香 有黃白二種

金銀花 一名忍冬有黃白紫三色俗名龍爪花

金盞花 一名長春花學圃雜疏花之四季開者蘭

桂之外有長春花卽金盞花也

金錢花 俗名夜落金錢羣芳譜一名子午花以午

開子落也酉陽雜俎一名毘尸沙梁荊州掾屬以雙

陸賭金錢錢盡以金錢花相足魚宏謂得花勝得錢

江陵縣志

卷之二十二

風土

物產

十

梔子 大朶重臺者俗呼爲賽荷花有一種小葉小花者高不盈尺俗名海梔子可作盆中之玩

木槿 花千葉者有赤白二種俗呼爲籬障花

石榴花 有海榴黃榴五星奎玉壺冰瑪瑙榴

荷花 有紅蓮白蓮臺閣錦邊並頭數種草木子荆

文獻王高從誨未薨前數年溝港城隍悉開白蓮

萱花 一名忘憂一名宜男嵇含宜男花序荆楚之

土號爲鹿葱根苗可以薦於俎世人欲求男者服之尤良也

合歡花 一名合昏卽馬纓花俗名夜合樹

水仙 黃庭堅詩錢塘昔聞水仙廟荊州今見水仙

花暗香靚色撩詩句宜在林逋處士家

桂 有丹桂金桂銀桂月桂數種

菊 家園蓄者種類甚多外有五月菊七月菊五九

菊萬歲菊藍菊丈菊野菊又草市天皇寺柏堂園內

一種光明菊採葉炒食其味清香亦異種也

鳳仙 一名金鳳開花頭翅羽足俱翹然如鳳狀有

紅紫黃白碧及雜色紅紫者能染指甲一名指甲草

江陵縣志

卷之二十二

風土

物產

十一

又一本五色千葉綠心開至秋盡者呼爲菊婢

雞冠 五色者佳有一種矮者名壽星雞冠

老少年 一名鴈來紅俗名變葉莧

蜀葵 似槿紅黃白三種有單片雙片者

秋葵 一名向日葵

木芙蓉 一名拒霜唐臨冥報記宋元嘉六年賈道

子行荆上明見芙蓉方發取之聞花有聲怪視得一

舍利如珍珠焰照梁棟槩以箱案供於屋壁其地生

荷八枝六旬乃枯歲餘舍利不知所去

臘梅 〔花史〕楚中荆襄有磬口臘梅最嘉色深黃圓瓣如白梅若瓶一枝香可盈室

凌霄 一名紫葳一名陵苕

玉簪 有紫白二種

鐵線連 莖如鐵線

錦屏松 葉細花紅

糟樂花 色變酒澆卽鮮

剪春羅 一名剪金羅二月生苗高尺餘夏開金黃花如錢大周迴似剪成然

江陵縣志

卷之二十二

風土

物產

十二

剪秋羅 一名漢宮秋秋開色深紅花瓣分數岐尖峭可愛

晚香玉 一名夜來香

美人蕉 花色嫣紅可愛子堅如苜實

芭蕉 山丹 金鐘 胭粉

棣棠 槐花 金絲柳 觀音蓮

果之屬

銀杏 俗名白果一名鴨脚子〔張商英詩〕鴨脚半熟色猶青紗囊馳寄江陵城城中朱門翰林宅清風六

月吹簾旌玉纖雪腕白相照爛銀殼破玻璃明

棗 〔異苑〕太元中南郡江陵縣有棗樹一年忽生桃

李棗三種花子

柿 有棹柿柿之小而卑者搗碎浸汁謂之柿油可

染傘扇諸物

杏 有沙杏金杏梅杏

李 〔風土記〕南郡細李四月熟

桃 有蜜桃白桃五月桃七月桃

梅 取青梅用玫瑰蕊和糖浸俗呼爲狀元紅

江陵縣志

卷之二十二

風土

物產

十三

橘 〔史記貨殖傳〕江陵千樹橘其人與千戶侯等白

〔居易詩〕江陵橘似珠

栗 栗之大者爲板栗荆屬不產一種小如指頂者

爲茅栗卽爾雅所謂栲栗也

柑 〔宋書符瑞志〕文帝元嘉十二年二月南郡江陵

庾和園柑樹連理 〔太真外傳〕開元末江陵進乳柑上

以十枚種於蓬萊宮天寶十載九月結實宣賜羣臣

藕 荆屬有白蓮藕紅蓮藕湖池所產野藕白花藕

大而孔扁生食味甘紅花及野藕蒸煑則佳

菱 一名芰兩角曰菱三角四角曰芰江陵志餘郢

城菱三角而無刺楚屈到嗜芰此也蘇軾論載藝文

甘蔗 荆郡所產甘蔗止可生啖不堪作糖

石榴 有海榴樹僅二尺栽盆中亦結實可觀

枳椇 俗名拐棗爾雅翼荆楚之俗鹽藏荷裏以為

冬儲

芡 一名雞頭一名鴈啄實

芣薺 一名鳧茈

無花果 一名文光果

江陵縣志

卷之二十二

風土

物產

十四

茨菰 元正詩小片慈姑白

櫻桃

香櫞

木瓜

葡萄

竹之屬

慈竹 性叢生根不外引俗名叢竹

簕竹 本草簕竹一尺數節出荆南

苦竹 三國典略梁諮議參軍宗季長宅東有苦竹

町

釣竹 俗名釣魚竿 南天竹 一名辟火丹

鳳尾竹

斑竹

紫竹

綿竹

笙竹

水竹

筆竹

淡竹

雜植之屬

茶 國史補江陵有楠木茶 宋史地理志大拓枕茶
出江陵 宋史食貨志慶歷之後定諸路措置茶事官
置司湖北於荆南

棉 有白紫二種按種棉必屬膏腴之田每畝子花
三石可獲淨花一石絨深厚者爲中花

麻 苧麻繅麻皮可績布作繩莖堪編籬

藍 蓼藍葉如蓼蒿藍廣藍一名大葉藍

江陵縣志

卷之二十二

風土

物產

十五

菸草 產南湖觀音寺者葉大而厚

草之屬

宮人草 述異記楚中有宮人草狀如金蓋而甚氛
氳花色紅翠任昉曰楚靈王時宮人數千多愁曠有
囚死於宮中者墓上悉生此花細腰之魂雖死猶迷
也

知風草 楚志莊子楚狂之歌所謂迷陽胡明仲云
荆楚有草叢生修條四時發穎其膚多刺呼爲迷陽
翠雲草 栽於虎刺芭蕉秋海棠下極佳

莎 俗名回頭青根卽香附子爾雅翼莎草可爲衣以禦雨今人謂之蓑衣

茅 有絲茅黃茅菅茅可爲索絢刈以覆屋

蒲 二三月生苗八九月收以爲席亦可作扇

蘆 一名葭一名葦筍可煮食荆楚歲時記元日懸葦索於門百鬼皆畏之

荻 一名茨俗名柴筍亦可食

蓼 家蓼莖有節開花作穗紅白色水蓼可代麩蘖以造酒味辛

江陵縣志

卷之二十二

風土

物產

十六

蘋 葉浮水面根連水底一名四葉青

萍 面青背紫一名紫萍無根而浮常與水平

藻 細葉蓬茸如絲俗名水草

芡 一名菰春末生白芽如筍名芡菜芡白以秋生俗名芡瓜至秋結彫胡米名芡米作飯香脆多產下

鄉湖澤中

艾 可代蓍策及作燭心

鳳尾 多生牆陰隙中葉附莖對生形如鳳尾故名

青蒿 本草荆楚之間謂蒿爲葭

蘭澤草 一名孩兒菊其葉似菊〔本草〕江陵鼎澧州山谷之間頗有之

夏枯草 三四月開花作穗五月卽枯

繡墩草 葉似韭差大結實深碧可愛

吉祥草 葉如萱而小四時一色俗云家有吉事則

開花結紅子故名

車前草 一名蝦蟇衣

虎耳草 生牆陰者葉大而肥取以搗汁可治聾耳

木之屬

江陵縣志

卷之二十二

風土

物產

十七

松

椿

楸

杞

柏 有扁柏刺柏三友柏

楊 有青白二種青楊葉長白楊葉圓

黃楊 性堅緻難長歲長一寸閏年倒長一寸

赤楊 霜降則葉赤材理亦赤可閘水俗名重楊

柳 〔荊州記〕荊州緣城堤邊悉植細柳綠條散風青

陰交陌

構 一名穀卽楮木〔物類相感志〕構膠可塗丹砂

桑 飼蠶用壓條椹子浸酒極佳

柘 葉亦可飼蠶

樸 皮卽厚樸

椶櫚 一名椶鬣皮中毛縷如馬之鬃鬣故名

杜仲 俗名粗糠樹

梧桐 一名青桐人家齋圃多植之四月開花五六

月結子莢長三寸許五片合成老則開裂如箕子綴

其上大如黃豆皮皺淡黃色可生噉亦可炒食

凍 皮可染綠

皂角 一名皂莢有三種以肥厚多脂者爲佳

江陵縣志

卷之二十二

風土

物產

十八

女貞 一名貞木一名蠟樹樹似冬青凌冬不凋立

夏前後取蠟蟲種子裹置枝間半月其蟲化出延緣

枝上可造白蠟

冬青 俗名凍青樹一名萬年枝放子收蠟亦如女

貞子

南燭 糯者矮而多子粳者高不結子

牛乳 實黃亮可食

榆 榆莢生青熟白形圓如小錢故又名榆錢

榭 皮作條香用卽古櫨木左傳莊公四年楚王卒

于櫛木之下

林注櫛郎
蕩切音櫛

櫛 亦椿類氣臭俗名臭椿

櫛 實名椽斗其殼爲汁可以染皂

楓 有赤白二種白者木理細膩葉圓而作岐霜後

則丹一名烏柏葉可染皂子可壓油

檀 其材強勁可爲車輻及斧鎚諸柯

槐 顏氏家訓庾肩吾常服槐實年七十餘目猶能

看細字鬢髮皆黑

樟 晉書王廙傳廙爲荊州刺史奏中興賦上疏曰

江陵縣志

卷之二十二

風土

物產

十九

臣郡有枯樟更生

檉柳 一名觀音柳俗名三春柳

羅漢松 葉長而狹色蒼秀可愛凌冬不凋

黃連茶 本高二三丈葉似槐而尖長春初芽始生

可代茗飲亦可爲茹味香而甜

藥之屬

貝母 一名苦花本草河中江陵府郢壽隨鄭蔡潤

滁州皆有之

半夏 荆郡甚多採者於本邑楊家塲土井水淘洗

則子白而光

鬼臼 一名獨腳蓮

百合 〔本草〕生荆山谷二月八月采根陰乾

覆盆 〔唐書地理志〕江陵土貢

豨薟 〔本草〕江陵府節度使成訥進豨薟丸方

大青 莖葉皆深青 〔本草〕荆南眉蜀濠諸州皆有之

芫蔚 〔爾雅〕芫蔚卽葎又名益母

梔子 〔唐書地理志〕江陵土貢

木蓮 一名木饅頭 〔本草〕木蓮延樹下垣牆而生四

江陵縣志

卷之二十二

風土

物產

二十

時不凋無花而實微似蓮蓬而稍長八月後則滿腹
細子似大稗子一子一鬢其味微澹其殼虛輕烏鳥
兒童皆食之

烏梅 〔唐書地理志〕江陵土貢

薺芎 一名杏葉沙參 〔本草綱目〕根如沙參而葉如

杏俗謂之甜桔梗根苗俱可食近俗多以此假黨參
市賣語云薺芎亂人參不可不辨

千歲藟藤 卽常春藤見新唐書方技傳

石龍芮 〔唐書地理志〕江陵土貢

荆三稜 〔本草〕生荆楚間故名荆三稜以著其地

積雪草 一名地錢草

五加皮 郡城東門外畫扇峯產者為良

天靈草 〔本草〕狀如雞冠折之有液如乳

旱蓮草 莖斷汁黑可以染鬢

龍牙草 何首烏 蒲公英 草決明

天冬 麥冬 金沸 蒼耳

枸杞 荆芥 薄荷 紫蘇

青箱 牛膝 蓖麻 王瓜

江陵縣志

卷之二十二 風土 物產 二十一

陳皮 枳實 馬鞭稍 土大黃

香附子 白頭翁 南星

鱗之屬

鯉 有赤黃二種

鱖 一名白鰱池塘間多畜之

鱒 〔本草〕鱒赤目魚也俗呼為紅眼卷

青魚 膽可以治目疾 〔本草〕青魚頭中枕骨蒸令氣

通曝乾狀如琥珀荆楚人煮拍作酒器梳篦甚佳

鮭 一名草魚 〔魚經〕似鯡身圓而長以其畜於池塘

飼之以草故名有青鯪白鯪二種

白魚 〔杜甫詩〕聞說江陵府雲沙靜眇然白魚如切

玉朱橘不論錢

鰻 其性獨行喜啖魚池中有此不能畜魚

鰕 俗名罰魚

魴 一名鰠魚荆屬湖澤中甚多又江中一種火燒

鰻黑質赤章色如烟薰大有至數十觔者

鱖 一名鰲魚長僅數寸形狹而扁鱗細而整性好

羣遊荆俗呼爲鰲鱖

江陵縣志

卷之二十二

風土

物產

二十二

鱧魚 一名烏魚俗呼爲黑魚紫魚

鯁 一名鯁魚頭大尾小身滑無鱗又名鮎魚言黏

滑也俗名鯁魚

鮠 一名鮠魚似鮎口小背黃腹白五六月江中出

鬻者甚多

鯪 一名孩兒魚〔本草〕荆州臨沮青溪多有之似鯁

而有四足聲如小兒其膏然之不消耗

鱮有青黃二色

鱮 俗名泥鰍

鮒 卽鯽魚按荆郡多魚利而鯽魚更多如江陵天井淵巢伯淵所產者大至三四觔

鱣 俗呼爲黃魚出大江中小者近百觔大者至三四百觔漁人以小鉤近千沉而取之一鉤著身護痛而動諸鉤皆著船隨之遊數日待其困憊方可掣取
鱖 亦出江中味亞於鱣髻骨不脆

銀魚 卽白小魚沙津舊有白小潭杜甫詩白小羣分命是也本邑長湖草市孟家橋俱產此

鰻鱧 卽白鰻江陵志餘荆州南門外大石橋一名

江陵縣志

卷之二十二

風土

物產

二十三

白鰾橋水多鰻鱧因納厥名

鰕 江湖出者大而色白溪池出者小而色青

江豚 一名江豬每遇大風將作卽隨方起拜

鮫鯉 卽穿山甲

黃鰮 黃鰮

介之屬

龜

鼈

鼈

蟹

蟛蜞 似蟹而小湖池中多產之

蝸贏 俗名螺螄

蚌

毛之屬

馬

牛

羊

犬

驢

騾

豬

貓

兔

獾

鼬

鼠

羽之屬

雞

鵝

鴨

鴿

鴉

鷺

鷹

鳩

倉庚

百舌

鶻鶻

野鷄

翡翠

鷓鴣

麻雀

江陵縣志

卷之二十二

風土

物產

二十四

蟲之屬

蠶

蜂

蝶

蟬

蝙蝠

螳螂

蚱蜢

蝸牛

鼃

俗名蝦蟇農人以蛙聲卜歲章孝標詩田家無

五行水旱卜蛙聲

蟾蜍

俗名癩蝦蟇本草端午日取東行者陰乾用

蝌斗

卽蝦蟇兒荆人以三月三日取小蝌斗以水

吞之云不生瘡

螢

蠅

蟻

蛇

水蛭 俗名螞蟥

螻蛄 俗名土狗

蜘蛛 螞子

蟋蟀 蚯蚓

土蠶 卽蠨螋

守宮 卽蜥蜴

蜈蚣

貨之屬

金 〔宋史食貨志〕政和元年張商英言湖北產金非

止辰沅靖溪峒其峽州彝陵宜都縣荆南府枝江江

陵縣赤湖城皆商人淘採之地〔元史食貨志〕產金之

所河南省曰江陵府〔荆事搜遺〕江陵有金陂湖生金

江陵縣志

卷之二十二

風土

物產

二十五

側近居人以木箕淘金爲業有竟日不獲一星者金

如花蕊亦閒若半葉名蒲桃金其色赤其土淘過歲

餘不產物精氣竭也

酒 〔張能臣酒名記〕法醞荆南金蓮酒〔韓昌黎詩〕有

拋青春亦江陵酒名今荆郡燒春甚佳江陵下鄉有

大麩燒春

硝 取故牆鹹土淋水煎熬而成

油 麻油菜油木油棉油

蜜 有石蜜木蜜人家窠檻中作者蜜濃味美

蟲蠟 其蟲大如蟻蝨芒種後則延緣樹枝食汁吐涎粘於嫩莖化爲白脂乃結成蠟處暑後剝取謂之蠟渣甑中蒸化瀝下器中凝成爲蠟其蟲嫩時白色作蠟及老則赤黑色結苞於樹枝俗呼爲蠟種凡湖南諸處放蟲生蠟者多於荆郡貫之

布帛之屬

方文綾 唐書地理志江陵府土貢

貲布 唐書食貨志江陵府土貢

絲布 有四脚五脚精粗之別一名荆布

江陵縣志

卷之二十二

風土

物產

二十六

羅紗 土絲所織著衣甚輕宜夏

通海緞

綾

絹

撚紬

棉布 鄉民農隙以織爲業者十居八九其布有京莊門莊之別故川客賈布沙津抱貿者羣相踵接